

中
华
传
统
文
化
经
典

本草綱目

全面透析中醫理論最經典的內涵
完美展示中藥文化最精華的所在



卷
四

中华传统文化经典

李敏 主编

本草纲目

卷四

京华出版社

本草纲目第三十四卷 木部(一)

柏(《本经》上品)

【释名】

栴音菊。

侧柏

〔李时珍曰〕按魏子才六书精蕴云：万木皆向阳，而柏独西指，盖阴木而有贞德者，故字从白。白者，西方也。陆佃埤雅云：柏之指西，犹针之指南也。柏有数种，入药惟取叶扁而侧生者，故曰侧柏。

〔寇宗奭曰〕予官陕西，登高望柏，千万株皆一一西指。盖此木至坚，不畏霜雪，得木之正气，他木不及。所以受金之正气所制，一一西指也。

【集解】

〔别录曰〕柏实生太山山谷，柏叶尤良。四时各依方面采，阴干。

〔陶弘景曰〕处处有柏，当以太山为佳尔。并忌取冢墓上者。其叶以秋夏采者良。

〔苏恭曰〕令太山无复采子，惟出陕州、宜州为胜。八月采之。

〔苏颂曰〕柏实以乾州者为最。三月开花，九月结子成熟，取采蒸曝，舂礪取仁用。其叶名侧柏，密州出者尤佳。虽与他柏相类，而其叶皆侧向而生，功效殊别。古柏叶尤奇，益州诸葛孔明庙中有大柏木，相传是蜀世所植，故人多采以作药，其味甘香于常柏也。

〔雷敫曰〕柏叶有花柏叶、丛柏叶及有子圆叶。其有子圆叶成片，如大片云母，叶皆侧，叶上有微赤毛者，宜入药用。花柏叶，其树浓叶成朵，无子；丛柏叶，其树绿色，并不入

药。

〔陈承曰〕陶隐居说柏忌冢墓上者，而今乾州者皆是乾陵所出，他处皆无大者，但取其州土所宜，子实气味丰美可也。其柏异于他处，木之文理，大者多为菩萨云气、人物鸟兽，状极分明可观。有盗得一株径尺者，值万钱，宜其子实为贵也。

〔时珍曰〕史记言：松柏为百木之长。其树耸直，其皮薄，其肌腻。其花细琐，其实成椽，状如小铃，霜后四裂，中有数子，大如麦粒，芬香可爱。柏叶松身者，桧也。其叶尖硬，亦谓之栝。今人名圆柏，以别侧柏。松叶柏身者，枞也。松桧相半者，桧柏也。峨眉山中一种竹叶柏身者，谓之竹柏。

柏实

【修治】

〔敫曰〕凡使先以酒浸一宿，至明漉出，晒干，用黄精自然汁于日中煎之，缓火煮成煎为度。每煎柏子仁三两，用酒五两浸。

〔时珍曰〕此法是服食家用者。寻常用，只蒸熟，曝烈春簸取仁，炒研入药。

【气味】

甘，平，无毒。

〔甄权曰〕甘、辛。畏菊花、羊蹄草。

〔徐之才曰〕见叶下。

【主治】

惊悸益气，除风湿，安五脏。久服，令人润泽美色，耳目聪明，不饥不老，轻身延年。本经

疗恍惚，虚损吸吸。历节腰中重痛，益血止汗。别录

治头风，腰肾中冷，膀胱冷脓宿水，兴阳



卷三十四 木部(一)



道，益寿，去百邪鬼魅，小儿惊病。甄权

润肝。好古

养心气，润肾燥，安魂定魄，益智宁神。烧沥，泽头发，治疥癣。时珍。

【发明】

〔王好古曰〕柏子仁，肝经气分药也。又润肾，古方十精丸用之。

〔时珍曰〕柏子仁性平而不寒不燥，味甘而补，辛而能润，其气清香，能透心肾，益脾胃，盖仙家上品药也，宜乎滋养之剂用之。列仙传云：赤松子食柏实，齿落更生，行及奔马。谅非虚语也。

【附方】旧二，新四。

服柏实法八月连房取实曝收，去壳研末。每服二钱，温酒下，一日三服。渴即饮水，令人悦泽。一方：加松子仁等分，以松脂和丸。一方：加菊花等分，蜜丸服。奇效方：用柏子仁二斤，为末，酒浸为膏，枣肉三斤，白蜜、白术末、地黄末各一斤，捣匀，丸弹子大。每嚼一丸，一日三服。百日，百病愈；久服，延年壮神。

老人虚秘柏子仁、松子仁、大麻仁等分，同研，溶蜜蜡丸梧子大。以少黄丹汤，食前调服二三十丸，日二服。寇宗奭。

肠风下血柏子十四个捶碎，囊贮浸好酒三盏，煎八分服，立止。普济方。

小儿羸啼惊痢腹满，大便青白色。用柏子仁末，温水调服一钱。圣惠方。

黄水湿疮真柏油二两，香油二两，熬稠搽之，如神。陆氏积德堂方。

柏叶

【修治】

〔敔曰〕凡用掇去两畔并心枝了，用糯泔浸七日，以酒拌蒸一伏时。每一斤用黄精自然汁十二两浸焙，又浸又焙，待汁干用之。

〔时珍曰〕此服食治法也。常用或生或炒，各从本方。

【气味】

苦，微温，无毒。

〔权曰〕苦、辛，性涩。与酒相宜。

〔颂曰〕性寒。

〔之才曰〕瓜子、牡蛎、桂为之使。畏菊花、羊蹄、诸石及面糊。伏砒、硝。

〔弘景曰〕柏之叶、实，服饵所重。此云恶麴，而人以酿酒无妨。恐酒米相和，异单用也。

【主治】

吐血衄血，痢血崩中赤白，轻身益气，令人耐寒暑，去湿痹，生肌。别录

治冷风历节疼痛，止尿血。甄权

炙，罨冻疮。烧取汁涂头。黑润鬓发。大明

傅汤火伤，止痛灭瘢。服之。疗蛊痢。作汤常服，杀五脏虫，益人。苏颂。

【发明】

〔震亨曰〕柏属阴与金，善守。故采其叶，随月建方。取其多得月令之气。此补阴之要药，其性多燥，久得之大益脾土，以滋其肺。

〔时珍曰〕柏性后凋而耐久，稟坚凝之质，乃多寿之木，所以可入服食。道家以之点汤常饮，元旦以之浸酒辟邪，皆有取于此。麝食之而体香，毛女食之而体轻，亦其证验矣。毛女者，秦王宫人。关东贼至，惊走入山，饥无所食。有一老公教吃松柏叶，初时苦涩，久乃相宜，遂不复饥，冬不寒，夏不热。至汉成帝时，猎者于终南山见一人，无衣服，身生黑毛，跳坑越涧如飞，乃密围获之，去秦时二百余载矣。事出葛洪抱朴子书中。

【附方】旧十，新九。

服松柏法孙真人枕中记云：尝以三月、四月采新生松叶，长三四寸许，并花蕊阴干；又于深山岩谷中，采当年新生柏叶，长二三寸者，阴干，为末，白蜜丸如小豆大。常以日未出时，烧香东向，手持八十一丸，以酒下。服一年，延十年命；服二年，延二十年命。欲得长肌肉，加大麻、巨胜；欲心力壮健者，加茯苓、人参。此药除百病，益元气，滋五脏六腑，



清明耳目，强壮不衰老，延年益寿，神验。用七月七日露水丸之，更佳。服时仍祝曰：神仙真药，体合自然。服药入腹，天地同年。祝毕服药。断诸杂肉、五辛。

神仙服饵五月五日，采五方侧柏叶三斤，远志（去心）二斤，白茯苓（去皮）一斤，为末，炼蜜和，丸梧子大。每以仙灵脾酒下三十九，日再服。并无所忌。勿示非人。

中风不省涎潮口禁，语言不出，手足弹曳。得病之日，便进此药，可使风退气和，不成废人。柏叶一握去枝，葱白一握连根研如泥，无灰酒一升，煎一二十沸，温服。如不饮酒，分作四五服，方进他药。杨氏家藏方。

时气瘴疫社中西南柏树东南枝，取暴干研末。每服一钱，新水调下，日三四服，圣惠方。

霍乱转筋柏叶捣烂，裹脚上，及煎汁淋之。圣惠方。

吐血不止张仲景柏叶汤：用青柏叶一把，干姜二片，阿胶一挺炙，三味，以水二升，煮一升，去滓，别绞马通汁一升，合煎取一升，绵滤，一服尽之。圣惠方：用柏叶，米饮服二钱。或蜜丸、或水煎服，并良。

忧恚呕血烦满少气，胸中疼痛。柏叶为散，米饮调服二方寸匕。圣惠方。

衄血不止柏叶、榴花研末，吹之。普济方。

小便尿血柏叶、黄连焙研，酒服三钱。济急方。

大肠一血随四时方向，采侧柏叶烧研，每米饮服二钱。王涣之舒州病此，陈宜父大夫传方，二服愈。百一选方。

酒毒下血或下痢。嫩柏叶（九蒸九晒）二两，陈槐花（炒焦）一两，为末，蜜丸梧子大。每空心温酒下四十丸。普济方。

蛊痢下血男子、妇人、小儿大腹，下黑血茶脚色，或脓血如淀色。柏叶焙干为末，与黄连同煎为汁，服之。本草图经。

小儿洞痢柏叶煮汁，代茶饮之。经验方。

月水不断侧柏叶（炙）、芍药等分。每用三钱，水、酒各半，煎服。室女用侧柏叶、木贼（炒微焦）等分，为末。每服二钱，米饮下。圣济总录。

汤火烧灼柏叶生捣涂之，系定二三日，止痛灭瘢。本草图经。

鼠瘻核痛未成脓。以柏叶捣涂，熬盐熨之，气下即消。姚僧坦集验方。

大风疔疾眉发不生。侧柏叶九蒸九晒，为末，炼蜜丸梧子大。每服五丸至十丸，日三、夜一服。百日即生。圣惠方。

头发不生侧柏叶阴干，作末，和麻油涂之。梅师方。

头发黄赤生柏叶末一升，猪膏一斤和，丸弹子大。每以布裹一丸，纳泔汁中化开，沐之。一月，色黑而润矣。圣惠方。

枝节

【主治】

煮汁酿酒，去风痹、历节风。烧取脂油。疗病疥及虫癩良。苏恭

【附方】旧二，新一。

霍乱转筋以暖物裹脚，后以柏木片煮汤淋之。经验方。

齿蠹肿痛柏枝烧热，拄孔中。须臾虫缘枝出。圣惠。

恶疮有虫久不愈者。以柏枝节烧沥取油傅之。三五次无不愈。亦治牛马疥。陈承七草别说。

脂

【主治】

身面疣目，同松脂研匀涂之，数夕自失。圣惠。

根白皮

【气味】

苦，平，无毒。

【主治】

火灼烂疮，长毛发。别录。

【附方】旧一。

热油灼伤柏白皮，以腊猪脂煎油，涂疮



卷三十四 木部（一）



上。肘后方。

松(《别录》上品)

【释名】

〔时珍曰〕按王安石字说云：松柏为百木之长。松犹公也，柏犹伯也。故松从公，柏从白。

【集解】

〔别录曰〕松脂生太山山谷。六月采。

〔颂曰〕松处处有之。其叶有两鬣、五鬣、七鬣。岁久则实繁。中原虽有，不及塞上者佳好也。松脂以通明如熏陆香颗者为胜，

〔宗奭曰〕松黄一如蒲黄，但味差淡。松子多海东来，今关右亦有，但细小味薄也。

〔时珍曰〕松树礞礞修耸多节，其皮粗厚有鳞形，其叶后凋。二三月抽蕤生花，长四五寸，采其花蕊为松黄。结实状如猪心，叠成鳞砌，秋老则子长鳞裂。然叶有二针、三针、五针之别。三针者为栝子松，五针者为松子松。其子大如柏子，惟辽海及云南者，子大如巴豆可食，谓之海松子，详见果部。孙思邈云：松脂以衡山者为良。衡山东五百里，满谷所出者，与天下不同。苏轼云：镇定松脂亦良。抱朴子云：凡老松皮内自然聚脂为第一，胜于凿取及煮成者。其根下有伤处，不见日月者为阴脂，尤佳。老松余气结为茯苓。千年松脂化为琥珀。玉策记云：千年松树四边枝起，上杪不长如偃盖。其精化为青牛、青羊、青犬、青人、伏龟，其寿皆千岁。

松脂

〔别名〕松膏本经

松肪同

松胶纲目

松香同

沥青。

【修治】

〔弘景曰〕采炼松脂法，并在服食方中。以桑灰汁或酒煮软，接纳寒水中数十过。白

滑则可用。

〔颂曰〕凡用松脂，先须炼治。用大釜加水置甑，用白茅藉甑底，又加黄砂于茅上，厚寸许。然后布松脂于上，炊以桑薪，汤减频添热水。候松脂尽入釜中，乃出之，投于冷水，既凝又蒸，如此二过，其白如玉，然后入用。

【气味】

苦、甘，温，无毒。

〔权曰〕甘，平。

〔震亨曰〕松脂属阳金。伏汞。

【主治】

痈疽恶疮，头疡白秃，疥瘙风气，安五脏，除热。久服，轻身不老延年。本经

除胃中伏热，咽干消渴，风痹死肌。炼之令白。其赤者，主恶痹。别录

煎膏，生肌止痛，排脓抽风。贴诸疮脓血痿烂。塞牙孔，杀虫。甄权

除邪下气，润心肺。治耳聋。古方多用辟谷。大明

强筋骨，利耳目，治崩带。时珍

【发明】

〔弘景曰〕松、柏皆有脂润，凌冬不凋，理为佳物，服食多用，但人多轻忽之尔。

〔颂曰〕道人服饵，或合茯苓、松柏实、菊花作丸，亦可单服。

〔时珍曰〕松叶、松实，服饵所须；松节、松心，耐久不朽。松脂则又树之津液精华也。在土不朽，流脂日久，变为琥珀，宜其可以辟谷延龄。葛洪抱朴子云：上党赵瞿病癰历年，垂死其家弃之，送置山穴中。瞿怨泣经月，有仙人见而哀之，以一囊药与之。瞿服百余日，其疮都愈，颜色丰悦，肌肤玉泽。仙人再过之，瞿谢活命之恩，乞求其方。仙人曰：此是松脂，山中便多。此物汝炼服之，可以长生不死。瞿乃归家长服，身体转轻，气力百倍，登危涉险，终日不困。年百余岁，齿不坠，发不白。夜卧忽见屋间有光，大如镜，久而一室尽明如昼。又见面上有采女一人，戏于口鼻之间。后人抱犊山成地仙。于时人闻瞿服此

脂，皆竞服之，车运驴负，积之盈室。不过一月，未觉大益，皆辄止焉。志之不坚如此。张杲医说有服松丹之法。

【附方】旧七，新十七。

服食辟谷千金方：用松脂十斤，以桑薪灰汁一石，煮五七沸，漉出，冷水中旋，复煮之，凡十遍乃白，细研为散。每服一二钱，粥饮调下，日三服。服至十两以上，不饥，饥再服之。一年以后，夜视目明。久服，延年益寿。又法：百炼松脂治下筛，蜜和纳角中，勿见风日。每服一团，一日三服。服至百日，耐寒暑，二百日，五脏补益；五年，即见西王母。伏虎禅师服法：用松脂十斤，炼之五度，令苦味尽。每一斤，入茯苓四两。每旦水服一刀圭，能令不食，而复延龄，身轻清爽。

强筋补益四圣不老丹：用明松脂一斤，以无灰酒沙锅内桑柴火煮数沸，竹枝搅稠，乃住火，倾入水内结块，复以水煮九遍，其脂如玉，不苦不涩乃止，为细末。用十二两，入白茯苓末半斤，黄菊花末半斤，柏子仁去油取霜半斤，炼蜜丸如梧子大。每空心好酒送下七十二丸。须择吉日修合，勿令妇人、鸡、犬见之。
松梅丸：用松脂以长流水桑柴煮拔三次，再以桑灰滴汁煮七次扯拔，更以好酒煮二次，仍以长流水煮二次，色白不苦不度。每一斤，入九蒸地黄末十两，乌梅末六两，炼蜜丸梧子大。每服七十丸，空心盐、米汤下。健阳补中，强筋润肌，大能益人。白飞霞方外奇方。

揩齿固牙松脂（出镇定者佳）稀布盛，入沸汤煮，取浮水面者投冷水中（不出者不用），研末，入白茯苓末和匀。日用揩齿漱口，亦可咽之，固牙驻颜。苏东坡仇池笔记。

历节诸风百节酸痛不可忍。松脂三十斤，炼五十遍。以炼酥三升，和脂三升，搅令极稠。每旦空心酒服方寸匕，日三服。数食面粥为佳，慎血腥、生冷、酢物、果子，一百日瘥。外台秘要。

肝虚目泪炼成松脂一斤，酿米二斗，水七斗，麴二斗。造酒，频饮之。

妇人白带松香五两，酒二升煮干，木臼杵细，酒糊丸如梧子大。每服百丸，温酒下。摘玄方。

小儿秃疮简便方：用松香五钱，猪油一两熬，搽，一日数次，数日即愈。卫生宝鉴：用沥青二两，黄蜡一两半，铜绿一钱半，麻油一两半，文武熬收。每摊贴之，神效。

小儿紧唇松脂炙化，贴之。圣惠方。

风虫牙痛刮松上脂，滚水泡化，一漱即止，已试验。集简方。

龋齿有孔松脂经塞，须臾虫从脂出也。梅师方。

久聾不听炼松脂三两，巴豆一两，和捣成丸。薄绵裹塞，一日二度。梅师方。

一切瘰疬炼成松脂末，填令满，日三四度。圣惠方。

一切肿毒松香八两，铜青二钱，蓖麻仁五钱，同捣作膏，摊贴甚妙。李楼奇方。

软疔频发翠玉膏：用通明沥青八两，铜绿二两，麻油三钱，雄猪胆汁三个。先溶沥青，乃下油、胆，倾入水中扯拔，器盛。每用绯帛摊贴，不须再换。

小金丝膏治一切疮疖肿毒。沥青、白胶香各二两，乳香二钱，没药一两，黄蜡三钱，又以香油三钱，同熬至滴下不散，倾入水中，扯千遍收贮。每捻作饼，贴之。

疥癣湿疮松胶香研细，少入轻粉。先以油涂疮，糝末有上，一日便干。顽者三二度愈。刘涓子鬼遗方。

阴囊湿痒欲溃者。用板儿松香为末，纸卷作筒。每根入花椒三粒，浸灯盏内三宿，取出点烧，淋下油搽之。先以米泔洗过。简便方。

金疮出血沥青末，少加生铜屑末，糝之，立愈。唐瑶经验方。

猪啮成疮松脂炼作饼，贴之。千金。

刺入肉中百理不瘥。松脂流出如乳头香者，傅上以帛裹。三五日当有根出，不痛不痒，不觉自安。兵部手集。



卷三十四

木

部

(一)



松节**【气味】**

苦,温,无毒。

【主治】

百邪久风,风虚脚痹疼痛。别录酿酒,主脚弱,骨节风。弘景炒焦,治筋骨间病,能燥血中之湿。震亨治风蛀牙痛,煎水含漱,或烧灰白揩,有效。时珍。

【发明】

〔时珍曰〕松节,松之骨也。质坚气劲,久亦不朽,故筋骨间风湿诸病宜之。

【附方】旧三,新四。

历节风痛四肢如解脱。如节酒:用二十斤,酒五斗,浸三七日。每服一合,日五六服。外台。

转筋挛急松节一两锉如米大,乳香一钱,银石器慢火炒焦,存一二分性,出火毒,研末。每服一二钱,热木瓜酒调下。一应筋病皆治之。孙用和秘宝方。

风热牙病圣惠方:用油松节如枣大一块碎切,胡椒七颗,入烧酒,须二三盏,乘热入飞过白矾少许。噙漱三五口,立瘥。又用松节二两,槐白皮、地骨皮各一两,浆水煎汤。热漱冷吐,瘥乃止。

反胃吐食松节煎酒,细饮之。百一方。

阴毒腹痛油松木七块炒焦,冲酒二钟,热服。集简方。

颠扑伤损松节煎酒服。谈野翁方。

松脂音诣。火烧松枝取液也。

【主治】

疮疥及马牛疮。苏恭。

松叶**〔别名〕**松毛**【气味】**

苦,温,无毒。

【主治】

风湿疮,生毛发,安五脏,守中,不饥延年。别录

细切,以水及面饮服之,或捣屑丸服,可断谷及治恶疾。弘景

炙罽冻疮风疮,佳。大明

去风痛脚痹,杀米虫。时珍。

【附方】旧六,新三。

服食松叶松叶细切更研,每日食煎以酒调下二钱,亦可煮汁作粥食。初服稍难,久则自便矣。令人不老,身生绿毛,轻身益气。久服不已,绝谷不饥不渴。圣惠方。

天行温疫松叶细切,酒服方寸匕,日三服。能辟五年瘟。伤寒类要。

中风口喎青松叶一斤捣汁,清酒一升,浸二宿,近火一宿。初服半升,渐至一升,头面汗出即止。千金方。

二年中风松叶一斤细切,以酒一斗,煮取三升。顿服,汗出立瘥。千金方。

历节风痛松叶捣汁一升、以酒三升,浸七日。服一合,日三服。千金方。

脚气风痹松叶酒:治十二风痹不能行,服更生散四剂,及众疗不得力,服此一剂,便能行远,不过两剂。松叶六十斤细锉,以水四石,煮取四斗九升,以米五斗,酿如常法。别煮松叶汁以渍米并饴饭,泥酿封头,七日发,澄饮之取醉。得此酒力者甚众。千金方。

风牙肿痛松叶一握,盐一合,酒二升煎,漱。圣惠方。

大风恶疮猪肉松叶二斤,麻黄(去节)五两,锉,以生绢袋盛,清酒二斗浸之,春夏五日,秋冬七日。每温服一小盏,常令醺醺,以效为度。圣惠方。

阴囊湿痒松毛煎汤,频洗。简便方。

松花**〔别名〕**松黄**【气味】**

甘,温,无毒。

〔震亨曰〕多食,发上焦热病。

【主治】

润心肺,益气,除风止血。亦可酿酒。时

珍

【发明】

〔恭曰〕松花即松黄，拂取正以蒲黄，酒服令轻身，疗病胜似皮、叶及脂也。

〔颂曰〕花上黄粉，山人及时拂取，作汤点之甚佳。但不堪停久，故鲜用寄远。

〔时珍曰〕今人收黄和白沙糖印为饼膏，充果饼食之，且难久收，恐轻身疗病之功，未必胜脂、叶也。

【附方】旧一，新一。

头旋脑肿三月收松花并藁五六寸如鼠尾者，蒸切一升，以生绢囊贮，浸三升酒中五日。空心暖饮五合。普济方。

产后壮热头痛颊赤，口干唇焦，烦渴昏闷。用松花、蒲黄、川芎、当归、石膏等分，为末。每服二钱，水二合，红花二捻，同煎七分，细呷。本草衍义。

根白皮

【气味】

苦，温，无毒。

【主治】

辟谷不饥。别录

补五劳，益气。大明。

木皮

〔别名〕赤龙皮

【主治】

痈疽疮口不合，生肌止血，治白秃、杖疮、汤火疮。时珍

【附方】新四

肠风下血松木皮，去粗皮，取里白者，切晒焙研为末。每服一钱，腊茶汤下。杨氏家藏方。

三十年痢赤松上苍皮一斗，为末。面粥和服一升，日三。不过一斗，救人。圣惠方。

金疮杖疮赤龙鳞（即古松皮）煨存性，研末。搽之，最止痛。永类铃方。

小儿头疮浸温，名胎风疮。古松上自有□□皮，入豆豉入许，瓦上炒存性，研末，入轻粉，香油调，涂之。经验良方。

松实见果部。

艾纳见草部苔类桑花下。

松藿见菜部香藿下。

杉（《别录》中品）

【释名】

□音杉。

沙木纲目

檠木音敬。

【集解】

〔颂曰〕杉材旧不著所出州土，今南中深山多有之。木类松而径直，叶附枝生，若刺针。郭璞注尔雅云：黏似松，生江南。可以为船及棺材，作柱埋之不腐。又人家常用作桶板，甚耐水。

〔宗奭曰〕杉干端直，大抵如松，冬不凋，但叶阔成枝也。今处处有之，入药须用油杉及臭者良。

〔时珍曰〕杉木叶硬，微扁如刺，结实如枫实。江南人以惊蛰前后取枝插种，出倭国者谓之倭木，并不及蜀、黔诸峒所产者尤良。其木有赤、白二种：赤杉实而多油，白杉虚而干燥。有斑纹如雉者，谓之野鸡斑，作棺尤贵。其木不生白蚁，烧灰最发火药。

杉材

【气味】

辛，微温，无毒。

【主治】

□疮，煮汤洗之，无不瘥。别录
煮水浸捋脚气肿满。服之，治心腹胀痛，去恶气。苏恭

治风毒奔豚，霍乱上气，并煎汤服。大明。

【发明】

〔震亨曰〕杉屑属金有火。其节煮汁浸捋脚气肿满，尤效。

〔颂曰〕唐柳柳州纂救三死方云：元和十二年二月得脚气，夜半痞绝，胁有块，大如石，且死，困不知人，搔榻上视，三日。家人号哭。



卷三十四 木部（一）



荥阳郑洵美传杉木汤，服半食顷大下，三行气通块散。方用杉木节一大升，橘叶（切）一大升（无叶则以皮代之），大腹槟榔七枚（连子碎之），童子小便三大升，共煮一大升半，分为两服。若一服得快，即停后服。此乃死病，会有教者，乃得不死。恐人不幸病此，故传之云。

【附方】新四。

肺雍痰滞上焦不利，卒然咳嗽。杉木屑一两，皂角（去皮酥炙）三两，为末，蜜丸梧子大。每米饮下十丸，一日四服。圣惠方。

小儿阴肿赤痛，日夜啼叫，数日退皮，愈而复发。用老杉木烧灰，入膩粉，清油调傅。效。危氏得效方。

肺壅失音杉木烧炭入碗中，以小碗覆之，用汤淋下，去碗饮水。不愈再作，音出乃止。集简方。

疔疮黑烂多年老杉木节烧灰，麻油调，隔箬叶隔之，绢帛包定，数贴而愈。救急方。

皮

【主治】

金疮血出，及汤火伤灼，取老树皮烧存性，研傅之。或入鸡子清调傅。一二日愈。时珍。

叶

【主治】

风、虫牙痛，同芎藭、细辛煎酒含漱。时珍。

子

【主治】

疝气痛，一岁一粒，烧研酒服。时珍。

杉菌见菜部。

【附录】

丹桤木皮桤音直。

〔藏器曰〕生江南深山。似杉木。皮，主口伤风。取一握，去土，打碎，煎如糖，伏日日涂之。

木 兰（《本经》上品）

【释名】

杜兰别录

林兰本经

木莲纲目

黄心

〔时珍曰〕其香如兰，其花如莲，故名。其木心黄，故曰黄心。

【集解】

〔别录云〕木兰生零陵山谷及太山。皮似桂而香。十二月采皮，阴干。

〔弘景曰〕零陵诸处皆有之。状如楠树，皮甚薄而味辛香。今益州者皮厚，状如厚朴，而气味为胜。今东人皆以山桂皮当之，亦相类。道家用合香亦好。

〔保昇曰〕所在皆有。树高数仞。叶似箇桂叶，有三道纵文，其叶辛香不及桂也。皮如板桂，有纵横文。三月、四月采皮，阴干。

〔颂曰〕今湖、岭、蜀川诸州皆有之。此与桂全别，而韶州所上，乃云与桂同是一种。取外皮为木兰，中肉为桂心。盖是桂中之一种尔。十一月、十二月采，阴干。任昉述异记云：木兰洲，在浔阳江中，多木兰。又七里洲中有鲁班刻木兰舟，至今在洲中。今诗家云木兰舟，出于此。

〔时珍曰〕木兰枝叶俱疏。其花内白外紫，亦有四季开者。深山生者尤大，可以为舟。按白乐天集云：木莲生巴峡山谷间，民呼为黄心树。大者高五六丈，涉冬不凋。身如青杨，有白纹。叶如桂而厚大，无脊。花如莲花，香色艳膩皆同，独房蕊有异。四月初始开，二十日即谢。不结实。此说乃真木兰也。其花有红、黄、白数色。其木肌细而心黄，梓人所重。苏颂所言韶州者，是牡桂，非木兰也。或云木兰树虽去皮，亦不死。罗愿言其冬花，实如小柿甘美者，恐不然也。



皮

【气味】

苦，寒，无毒。

【主治】

身大热在皮肤中，去面热赤疱酒皴。恶风癰疾，阴下痒湿。明耳目。本经

疗中风伤寒，及痈疽水肿，去臭气。别录治酒疸，利小便，疗重舌。时珍。

【附方】旧二，新一。

小儿重舌木兰皮一尺，广四寸，削去粗皮，入醋一升，渍汁噙之。子母秘录。

面上皴疱黧黯。用木兰皮一斤细切，以三年酢浆渍之百日，晒干捣末。每浆水服方寸匕，日三服。（肘后：用酒渍之。卮子仁一斤。）古今录验方。

酒疸发斑赤黑黄色，心下懊痛，足胫肿满，小便黄，由大醉当风，入水所致。用木兰皮一两，黄芪二两，为末。酒服方寸匕，日三服。肘后方。

花

【主治】

鱼哽骨哽，化铁丹用之。时珍。

丁香(宋《开宝》)

【校正】

并入别录鸡舌香。

【释名】

丁子香嘉祐

鸡舌香

〔藏器曰〕鸡舌香与丁香同种，花实丛生，其中心最大者为鸡舌（击破有顺理而解为两向，如鸡舌，故名），乃是母丁香也。

〔禹锡曰〕按齐民要术云：鸡舌香俗人以类似丁子，故呼为丁子香。

〔时珍曰〕宋嘉祐本草重出鸡舌，今并为一。

【集解】

〔恭曰〕鸡舌香树叶及皮并似栗，花如梅

花，子似枣核，此雌树也，不入香用。其雄树虽花不实，采花酿之以成香。出昆仑及交州、爱州以南。

〔珣曰〕丁香生东海及昆仑国。二月、三月花开，紫白色。至七月方始成实，小者为丁香，大者（如巴豆）为母丁香。

〔志曰〕丁香生交、广、南番。按广州图上丁香，树高丈馀，木类桂，叶似栌叶。花圆细，黄色，凌冬不凋。其子出枝蕊上如钉，长三四分，紫色。其中有粗大如山茱萸者，俗呼为母丁香。二月、八月采子及根。一云：盛冬生花、子，至次年春采之。

〔颂曰〕鸡舌香唐本草言其木似栗。南越志言是沉香花。广志言是草花蔓生，实熟贯之，可以香口。其说不定。今人皆以乳香中拣出木实似枣核者为之，坚顽枯燥，绝无气味，烧亦无香，用疗气与口臭则甚乖疏，不知缘何以为鸡舌也？京下老医言：鸡舌与丁香同种，其中最大者为鸡舌，即母丁香，疗口臭最良，治气亦效。葛稚川百一方：治暴气刺心痛，用鸡舌香酒服。又抱朴子书：以鸡舌、黄连，乳汁煎之，注目，治百疹之在目者皆愈，更加精明。古方治疮痈五香连翘汤用鸡舌香，而孙真人千金方无鸡舌，用丁香，似为一物也。其采花酿成香之说，绝无知音。

〔慎微曰〕沈存中笔谈云：予集灵苑方，据陈藏器拾遗，以鸡舌为丁香母。今考之尚不然，鸡舌即丁香也。齐民要术言鸡舌俗名丁子香。日华子言丁香治口气，与三省故事载汉时郎官日含鸡舌香，欲其奏事芬芳之说相合。及千金方五香汤用丁香无鸡舌，最为明验。《开宝》本草重出丁香，谬矣。今世以乳香中大如山茱萸者为鸡舌，略无气味，治疾殊乖。

〔承曰〕嘉祐补注及苏颂图经引诸书，以鸡舌为丁香。抱朴子言可注眼。但丁香恐不宜入眼，含之口中热臭不可近。乳香中所拣者，虽无气味，却无臭气，有淡利九窍之理。诸方用治小儿惊痫，亦欲其达九窍也。



卷三十四 木部 (一)



〔敦曰〕丁香有雌、雄。雄者颗小；雌者大如山萸，更名母丁香，入药最胜。

〔时珍曰〕雄为丁香，雌为鸡舌，诸说甚明，独陈承所言甚为谬妄。不知乳香中所拣者，乃番枣核也，即无漏子之核，见果部。前人不知丁香即鸡舌，误以此物充之尔。干姜、焰硝尚可点眼，草果、阿魏番人以作食料，则丁香之点眼，噙口，又何害哉？

鸡舌香别录

【气味】

辛，微温，无毒。

〔时珍曰〕辛，温。

【主治】

风水毒肿，霍乱心痛，去恶热。别录吹鼻，杀脑疳。入诸香中，令人身香。甄权

同姜汁，涂拔去白须孔中，即生黑者异常。藏器。

丁香开宝

【气味】

辛，温，无毒。

〔时珍曰〕辛，热。

〔好古曰〕纯阳。入手太阴、足少阴、阳明经。

〔敦曰〕方中多用雌者，力大。膏煎中若用雄，须去丁，盖乳子发人背痛也。不可见火。畏郁金。

【主治】

温脾胃，止霍乱拥胀，风毒诸肿，齿疳蠹。能发诸香。开宝

风蠹骨槽劳臭，杀虫辟恶去邪，治奶头花，止五色毒痢。五痔。李珣

治口气冷气，冷劳反胃，鬼疰蛊毒，杀酒毒，消痃癖。疗肾气奔豚气，阴痛腹痛，壮阳，暖腰膝。大明

疗呕逆，甚验。保升

去胃寒，理元气。气血盛者勿服。元素治虚哕，小儿吐泻，痘疮胃虚，灰白不发。

时珍。

【发明】

〔好古曰〕丁香与五味子、广茂同用，治奔豚之气。亦能泄肺，能补胃，大能疗肾。

〔宗奭曰〕日华子言丁香治口气，此正是御史所含之香也。治脾胃冷气不和甚良。母丁香气味尤佳。

〔震亨曰〕口居上，地气出焉。脾有郁火，溢入肺中，失其清和之意，而浊气上行，发为口气。若以丁香治之，是扬汤止沸尔。惟香薷治之甚捷。

〔时珍曰〕宋末太医陈文中，治小儿痘疮不光泽，不起发，或胀或泻，或渴或气促，表里俱虚之证。并用丁香散、异攻散，倍加丁香、官桂。甚者丁香三五十枚，官桂一二钱。亦有服之而愈者。此丹溪朱氏所谓立方之时，必运气在寒水司天之际，又值严冬郁遏阳气，故用大辛热之剂发之者也。若不分气血虚实寒热经络，一概骤用，其杀人也必矣。葛洪抱朴子云：凡百病在目者，以鸡舌香、黄连、乳汁煎注之，皆愈。此得辛散苦降养阴之妙。陈承言不可点眼者，盖不知此理也。

【附方】旧八，新十八。

暴心气痛鸡舌香末，酒服一钱。肘后方。

干霍乱痛不吐不下。丁香十四枚，研末，以沸汤一升和之，顿服。不瘥更作。孙思邈千金方。

小儿吐泻丁香、橘红等分，炼蜜丸黄豆大。米汤化下。刘氏小儿方。

小儿呕吐不止。丁香、生半夏各一钱，姜汁浸一夜，晒干为末，姜汁打面糊丸黍米大。量大小，用姜汤下。全幼心鉴。

婴儿吐乳小儿百日脾内吐乳，或粪青色。用年少妇人乳汁一盞，入丁香十枚，陈皮去白一钱，石器煎一二十沸，细细与服。陈文中小儿方。

小儿冷疳面黄腹大，食即吐者。母丁香七枚，为末，乳汁和蒸三次，姜汤服之。卫生易简方。

胃冷呕逆气厥不通。母丁香三个，陈橘

皮一块(去白焙),水煎,热服。十便良方。

反胃吐食袖珍方:用母丁香一两为末,以盐梅入捣和,丸芡子大。每噙一九。圣惠方:用母丁香、神麝(炒)等分,为末。米饮服一钱。

朝食暮吐丁香十五个研末,甘蔗汁、姜汁和,丸莲子大。噙咽之。摘玄方。

反胃关格气噎不通。丁香、木香各一两。每服四钱,水一盏半,煎一盏。先以黄泥做成碗,滤药汁于内,食前服。此方乃掾史吴安之传于都事盖耘夫有效,试之果然。土碗取其助脾也。德生堂经验方。

伤寒呢逆及哕逆不定。丁香一两,干柿蒂(焙)一两,为末。每服一钱,煎人参汤下。简要济众方。

毒肿入腹鸡舌香、青木香、薰陆香、麝香各一两,水四升,煮二升,分二服。肘后方。

食蟹致伤丁香末,姜汤服五分。证治要诀。

妇人崩中昼夜不止。丁香二两,酒二升,煎一升,分服。梅师方。

妇人产难母丁香三十六粒,滴乳香三钱六分,为末,同活兔胆和杵千下,丸作三十六丸。每服一九,好酒化下,立验。名如意丹。颐真堂经验方。

妇人阴冷母丁香末,纱囊盛如指大,纳入阴中,病即已。本草衍义。

鼻中息肉丁香绵裹纳之。圣惠方。

风牙宣露发歇口气。鸡舌香、射干一两,麝香一分,为末,日揩。圣济总录。

龋齿黑臭鸡舌香煮汁,含之。外台秘要。

唇舌生疮鸡舌香末,绵裹含之。外台。

乳头裂破丁香末,傅之。梅师方。

妒乳乳痛丁香末,水服方寸匕。梅师方。

痈疽恶肉丁香末傅之,外以膏药护之。怪证奇方。

桑蝎螫人丁香末,蜜调涂。圣惠方。

香衣辟汗丁香一两为末,川椒六十粒和之。绢袋盛佩,绝无汗气。多能鄙事。

丁皮

〔时珍曰〕即树皮也。似桂皮而厚。

【气味】

同香。

【主治】

齿痛。李珣心腹冷气诸病。方家用代丁香。时珍。

枝

【主治】

一切冷气,心腹胀满,恶心,泄泻虚滑,水谷不消。用枝杖七斤,肉豆蔻(面煨)八斤,白面(炒)六斤,甘草(炒)十一斤,炒盐中三斤,为末。日日点服。出御药院方。

根

【气味】

辛,热,有毒。

【主治】

风热毒肿。不人心腹之用。开宝。

楠(《别录》下品)

【校正】

并入海药楠木皮,拾遗楠木枝叶。

【释名】

楠与楠字同。

〔时珍曰〕南方之木,故字从南。海药本草楠木皮,即楠字之误,今正之。

【集解】

〔藏器曰〕楠木高大,叶如桑,出南方山中。

〔宗奭曰〕楠材,今江南造船皆用之,其木性坚而善居水。久则当中空,为白蚁所穴。

〔时珍曰〕楠木生南方,而黔、蜀诸山尤多。其树直上,童童若幢盖之状,枝叶不相碍。茂似豫章,而大如牛耳,一头尖,经岁不凋,新陈相换。其花赤黄色。实似丁香,色青,不可食。干甚端伟,高者十余丈,巨者数十围,气甚芬芳,为梁栋器物皆佳,盖良材也。色赤者坚,白者脆。其近根年深向阳者,结成



卷三十四

木

部

(一)



草木山水之状，俗呼为骰柏楠，宜作器。

楠材

【气味】

辛，微温，无毒。

〔藏器曰〕苦，温，无毒。

〔大明曰〕热，微毒。

【主治】

霍乱吐下不止，煮汁服。别录

煎汤洗转筋及足肿。枝叶同功。大明。

【附方】新三。

水肿自足起削楠木、桐木煮汁渍足，并饮少许，日日为之。肘后方。

心胀腹痛未得吐下。取楠木削三四两，水三升，煮三沸，饮之。肘后方。

聃耳出脓楠木烧研，以绵杖缴入。圣惠方。

皮

【气味】

苦，温，无毒。

【主治】

霍乱吐泻，小儿吐乳，暖胃正气，并宜煎服。李珣。

樟(《拾遗》)

【释名】

〔时珍曰〕其木理多文章，故谓之樟。

【集解】

〔藏器曰〕江东舸船多用樟木。县名豫章，因木得名。

〔时珍曰〕西南处处山谷有之。木高丈余，小叶似楠而尖长，背有黄赤茸毛，四时不凋。夏开细花，结小子。木大者数抱，肌理细而错纵有文，宜于雕刻，气甚芬烈。豫、章乃二木名，一类二种也。豫即均樟，见下条。

樟材

【气味】

辛，温，无毒

【主治】

恶气中恶，心腹痛鬼疰，霍乱腹胀，宿食不消，常吐酸臭水，酒煮服，无药处用之。煎汤，浴脚气疥癣风痒。作履，除脚气。藏器。

【发明】

〔时珍曰〕霍乱及干霍乱须吐者。以樟木屑煎浓汁吐之，甚良。又中恶、鬼气卒死者，以樟木烧烟熏之，待苏乃用药。此物辛烈香窜，能去湿气、辟邪恶故也。

【附方】新一。

手足痛风冷痛如虎咬者。用樟木屑一斗，急流水一石，煎极滚泡之，乘热安足于桶上熏之。以草荐围住，勿令汤气入目。其功甚捷，此家传经验方也。虞抟医学正传。

瘰节

【主治】

风疰鬼邪。时珍。

【附方】新一。

三木节散治风劳，面色青白，肢节沉重，臂间痛，或寒或热，或躁或瞋，思食不能食，被虫侵蚀；证状多端。天灵盖（酥炙，研）二两，牛黄、人中白（焙）各半两，麝香二钱，为末。别以樟木瘤节、皂荚木瘤节、槐木瘤节各为末五两，每以三钱，水一盞，煎半盞，去滓，调前末一钱，五更顿服，取下虫物为妙。圣惠方。

安息香(唐《本草》)

【释名】

〔时珍曰〕此香辟恶，安息诸邪，故名。或云：安息，国名也。梵书谓之拙贝罗香。

【集解】

〔恭曰〕安息香出西戎。状如松脂，黄黑色，为块。新者亦柔韧。

〔珣曰〕生南海波斯国，树中脂也，状若桃胶，秋月采之。

〔禹锡曰〕按段成式酉阳杂俎云：安息香树出波斯国，呼为辟邪树。长二三丈，皮色黄黑。叶有四角，经寒不凋。二月开花黄色，花心微碧。不结实。刻其树皮，其胶如饴，名安

息香，六七月坚凝乃取之。烧之，通神，辟众恶。

〔时珍曰〕今安南、三佛齐诸番皆有之。一统志云：树如苦楝，大而且直。叶似羊桃而长。木心有脂作香。叶廷珪香录云：此乃树脂，形色类胡桃瓢，不宜于烧，而能发众香，故人取以和香。今人和香有如杨者，谓之安息油。机曰：或言烧之能集鼠者为真。

【气味】

辛、苦，平，无毒。

【主治】

心腹恶气，鬼疰。唐本

邪气魍魎，鬼胎血邪，辟蛊毒，霍乱风痛，男子遗精，暖肾气，妇人血噤，并产后血运。大明

妇人夜梦鬼交，同臭黄烧熏丹穴，永断。李珣

烧之，去鬼来神。萧炳

治中恶魔寐，劳瘵传尸。时珍。

【附方】新四。

卒然心痛或经年频发。安息香研末，沸汤服半钱。危氏得效方。

小儿肚痛曲脚而啼。安息香丸：用安息香酒蒸成膏。沉香、木香、丁香、霍香、八角茴香各三钱，香附子、缩砂仁、炙甘草各五钱，为末。以膏和，炼蜜丸芡子大。每服一丸，紫苏汤化下。全幼心鉴。

小儿惊邪安息香一豆许，烧之自除。奇效良方。

历节风痛用精猪肉四两切片，裹安息香二两，以瓶盛灰，大火上着一铜版片隔之，安香于上烧之，以瓶口对痛处熏之，勿令透气。圣惠方。

樟 脑(《纲目》)

【释名】

韶脑

【集解】

〔时珍曰〕樟脑出韶州、漳州。状似龙脑，白色如雪，樟树脂膏也。胡演升炼方云：煎樟脑法：用樟木新者切片，以井水浸三日三夜，入锅煎之，柳木频搅。待汁减半，柳上有白霜，即滤去滓，倾汁入瓦盆内。经宿，自然结成块也。他处虽有樟木，不解取脑。又炼樟脑法：用铜盆，以陈壁土为粉糝之，却糝樟脑一重，又糝壁土，如此四五重。以薄荷安土上，再用一盆覆之，黄泥封固，于火上款款炙之。须以意度之，不可太过、不及。勿令走气。候冷取出，则脑皆升于上盆。如此升两三次，可充片脑也。

【修治】

〔时珍曰〕凡用，每一两以二碗合住，湿纸糊口，文武火煨之。半时许取出，冷定用。又法：每一两，用黄连、薄荷六钱、白芷、细辛四钱、荆芥、密蒙花二钱，当归、槐花一钱。以新土碗铺杉木片于底，安药在上，入水半盏，洒脑于上，再以一碗合住，糊口，安火煨之。待水干取开，其脑自升于上。以翎扫下，形似松脂，可入风热眼药。人亦多以乱片脑，不可不辨。

【气味】

辛，热，无毒。

【主治】

通关窍，利滞气，治中恶邪气，霍乱心腹痛，寒湿脚气，疥癣风瘙，龋齿，杀虫辟蠹。着鞋中，去脚气。时珍。

【发明】

〔时珍曰〕樟脑纯阳，与焰硝同性，水中生火，其焰益炽。今丹炉及烟火家多用之。辛热香窜，禀龙火之气，去湿杀虫，此其所长。故烧烟熏衣筐席簟，能辟壁虱、虫蛀。李石续博物志云：脚弱病人，用杉木为桶濯足，排樟脑于两股间，用帛绑定，月余甚妙。玉玺医林集要方：治脚气肿痛。用樟脑二两，乌头三两，为末，醋糊丸弹子大。每置一丸于足心踏之，下以微火烘之，衣被围覆，汗出如涎为效。

【附方】新三。



卷三十四 木

部(一)



小儿秃疮韶脑一钱,花椒二钱,脂麻二两,为末。以退猪汤洗后,搽之。简便方。

牙齿虫痛普济方:用韶脑、朱砂等分,擦之神效。余居士选奇方:用樟脑、黄丹、肥皂(去皮核)等分,研匀蜜丸。塞孔中。

卢 会(宋《开宝》)

【校正】

自草部移入此。

【释名】

奴会开宝

讷会拾遗

象胆

〔时珍曰〕名义未详。

〔藏器曰〕俗呼为象胆,以其味苦如胆也。

【集解】

〔珣曰〕卢会生波斯国。状似黑飴,乃树脂也。

〔颂曰〕今惟广州有来者。其木生山野中,滴脂泪而成。采之不拘时月。

〔时珍曰〕卢会原在草部。药谱及图经所状,皆言是木脂。而一统志云:爪哇、三佛齐诸国所出者,乃草属,状如鲛尾,采之以玉

器捣成膏。与前说不同,何哉?岂亦木质草形乎?

【气味】

苦,寒,无毒。

【主治】

热风烦闷,胸膈间热气,明目镇心,小儿癫痫惊风,疗五疳,杀三虫及痔病疮痿。解巴豆毒。开宝

主小儿诸疳热。李珣

单用,杀疳蛔。吹鼻,杀脑疳,除鼻痒。

甄权

研末,傅蜜齿甚妙,治温癖出黄汁。苏颂。

【发明】

〔时珍曰〕卢会,乃厥阴经药也。其功专于杀虫清热。已上诸病,皆热与虫所生故也。

〔颂曰〕唐刘禹锡传信方云:予少年曾患癖,初在颈项间,后延上左耳。遂成湿疮浸淫。用斑蝥、狗胆、桃根诸药,徒令蜚蠊,其疮转盛。偶于楚州,卖药人教用卢会一两,炙甘草半两,研末,先以温浆水洗癖,拭净傅之,立干便瘥。真神奇也。

【附方】新一。

小儿脾疳卢会、使君子等分,为末。每米饮服一二钱。卫生易简方。



本草纲目第三十五卷 木部(二)

厚 朴(《本经》中品)

【校正】

并入有名未用逐折。

【释名】

烈朴日华

赤朴别录

厚皮同

重皮广雅

树名櫟别录

子名逐折别录。

〔时珍曰〕其木质朴而皮厚，味辛烈而色紫赤，故有厚朴、烈、赤诸名。

〔颂曰〕广雅谓之重皮，方书或作厚皮也。

【集解】

〔别录曰〕厚朴生交趾、冤句。三月、九月、十月采皮，阴干。

〔弘景曰〕今出建平、宜都。极厚、肉紫色为好，壳薄而白者不佳。俗方多用，道家不须也。

〔颂曰〕今洛阳、陕西、江淮、湖南、蜀川山谷中往往有之，而以梓州、龙州者为上。木高三四丈，径一二尺。春生叶如櫟叶，四季不凋。红花而青实。皮极鳞皱而厚，紫色多润者佳，薄而白者不堪。

〔宗奭曰〕今伊阳县及商州亦有，但薄而色淡，不如梓州者厚而紫色有油。

〔时珍曰〕朴树肤白肉紫，叶如□□。五六月开细花，结实如冬青子，生青熟赤，有核。七八月采之，味甘美。

皮

【修治】

〔敝曰〕凡使要紫色味辛者为好，刮去粗皮。入丸散，每一斤用酥四两炙熟用。若入汤饮，用自然姜汁八两炙尽为度。

〔大明曰〕凡人药去粗皮，用姜汁炙，或浸妙用。

〔宗奭曰〕味苦。不以姜制，则棘人喉舌。

【气味】

苦，温，无毒。

〔别录曰〕大温。

〔吴普曰〕神农、岐伯、雷公：苦，无毒。李当之：小温。

〔权曰〕苦、辛，大热。

〔元素曰〕气温，味苦、辛。气味俱厚，体重浊而微降，阴中阳也。

〔杲曰〕可升可降。

〔之才曰〕干姜为之使。恶泽泻、消石、寒水石。忌豆，食之动气。

【主治】

中风伤寒，头痛寒热惊悸，气血痹。死肌、去三虫。本经

温中益气，消痰下气，疗霍乱及腹痛胀满，胃中冷逆，胸中呕不止，泄痢淋露，除惊，去留热心烦满，厚肠胃。别录

健脾，治反胃，霍乱转筋，冷热气，泻膀胱及五脏一切气，妇人产前产后腹脏不安，杀肠中虫，明耳目，调关节。大明

治积年冷气，腹内雷鸣虚吼，宿食不消，去结水，破宿血，化水谷，止吐酸水，大温胃气，治冷痛，主病人虚而尿白。甄权



卷三十五 木部(二)

